

AKHBAR : BERITA HARIAN

MUKA SURAT : 14

RUANGAN : TRAGEDI

Pengesahan DNA selesai petang ini

➔ Mangsa dijangka dikebumikan selepas semua keputusan diperoleh

✦ Kuala Lumpur

Proses pengesahan DNA semua 23 mangsa kebakaran Pusat Tahfiz Darul Quran Ittifaqiyah Dato Keramat dengan waris masing-masing, dijangka hanya selesai petang ini.

Menteri di Jabatan Perdana Menteri, Datuk Seri Jamil Khir Baharom, berkata perkara itu dimaklumkan kepadanya oleh wakil Institut Perubatan Forensik Negara (IPFN) di Hospital Kuala Lumpur (HKL), di sini, malam tadi.

Ketika ini, katanya, semua waris terdekat sudah menyerahkan DNA masing-masing bagi membantu proses pengesahan berkenaan.

"Hasil perbincangan bersama pi-

hak hospital dan waris terdekat, semua bersetuju bahawa proses pengebumian mangsa kebakaran ini dikebumikan selepas proses pengesahan DNA bagi 23 jenazah selesai, paling awal dijangka jam 3-30 petang esok (hari ini).

"Sekiranya keputusan diperoleh lebih awal, ia akan dimaklumkan kemudian kepada waris dan dihebahkan kepada umum.

Sedia penginapan

"Bagi waris terdekat yang menunggu hari ini, kita menyediakan penginapan di Hotel Putra dan Hotel Grand Season.

"Ketika ini, semua waris disarankan untuk pulang dan berehat dahulu memandangkan keputu-



Ketika ini, semua waris disarankan untuk pulang dan berehat dahulu memandangkan keputusan pengesahan dijangka diperoleh esok"

Jamil Khir Baharom,
Menteri di Jabatan
Perdana Menteri

san pengesahan dijangka diperoleh esok (hari ini)," katanya ketika ditemui di hadapan IPFN di sini.

Jamil Khir berkata, jenazah akan dikebumikan di Tanah Perkuburan Islam Raudhatul Sakinah, kecuali bagi waris yang memohon untuk dikebumikan di kawasan masing-masing.

Terdahulu, Menteri Kesihatan, Datuk Seri Dr S Subramaniam, berkata proses pengesahan DNA mengambil masa kerana membatik ramai mangsa.

"Bagi mengenal pasti identiti mangsa, DNA ibu bapa diperlukan dan pihak hospital baru menerimanya pagi tadi," katanya pada sidang media di lobi HKL pagi semalam.

AKHBAR : HARIAN METRO

MUKA SURAT : 6

RUANGAN : SETEMPAT

Kuala Lumpur

Pengecaman ambil masa

Proses pengecaman 23 mangsa yang terkorban perlu dilaksanakan bagi pengesahan identiti memandangkan keadaan jenazah yang sukar dikenal pasti.

Menteri Kesihatan Datuk Seri Dr S Subramaniam berkata, Pasukan Pengecaman Mangsa Bencana (DVI) sudah mengambil sampel DNA daripada waris untuk padanan identiti.

"Proses mengambil sedikit masa memandangkan mangsa terkorban dalam keadaan tragis.

"Hospital Kuala Lumpur (HKL) menerima 23 mayat, dua daripada mereka individu dewasa manakala bakinya kanak-kanak dan remaja," katanya.

Katanya, dalam kejadian itu tujuh mangsa kebakaran yang cedera adalah enam pelajar tahfiz manakala seorang lagi penduduk yang datang membantu.

"Semua mereka dirawat di Jabatan Kecemasan HKL dengan empat mengalami kecederaan serius dan tiga lagi cedera ringan," katanya.

AKHBAR : KOSMO

MUKA SURAT : 2

RUANGAN : TRAGEDI KEBAKARAN PUSAT TAHFIZ DI KUALA LUMPUR

Ujian DNA tentukan identiti mangsa



ANGGOTA bomba membawa keluar mayat pelajar yang mati terbakar. Mangsa yang rentung akan dikenal pasti menerusi ujian DNA.

KUALA LUMPUR - Keputusan ujian asid deoksiribonukleik (DNA) 23 mangsa kebakaran di pusat tahfiz Darul Quran Ittifaqiyah akan dapat diketahui dalam tempoh beberapa hari lagi.

Menteri Kesihatan, Datuk Seri Dr. S. Subramaniam berkata, proses tersebut mengambil masa kerana ia melibatkan ramai mangsa.

"DNA ibu bapa diperlukan untuk mengenal pasti identiti mangsa dan pihak hospital baru menerimanya pagi tadi (semalam).

"Pihak hospital akan menggunakan sepenuh masa dan melakukan se-

cepat mungkin bagi mengenal pasti identiti mayat membabitkan kerjasama daripada Jabatan Kimia dan Jabatan Bencana," katanya pada sidang akhbar di Hospital Kuala Lumpur (HKL) semalam.

Setakat petang semalam, identiti kesemua mangsa yang rentung masih belum dikenal pasti.

Tambahnya, seramai tujuh mangsa iaitu enam orang pelajar dan seorang orang awam masih dirawat di HKL.

"Kesemua mangsa sedang dirawat membabitkan dua mangsa mengalami kecederaan serius manakala lima lagi cedera ringan," katanya.

AKHBAR : SINAR HARIAN
MUKA SURAT : 36
RUANGAN : TRAGEDI PUSAT TAHFIZ

Ujian DNA sahkan mayat mangsa

Proses pensampelan ambil masa dua hari untuk kenal pasti identiti

ASYRAF MUHAMMAD

KUALA LUMPUR - Ujian asid deoksiribonukleik (DNA) akan dibuat bagi menentukan identiti mangsa yang terlibat dalam kejadian kebakaran di pusat tahfiz berkenaan.

Menterinya, Datuk Seri S Subramaniam berkata, ini kerana proses identifikasi perlu menjalani ujian padanan antara sampel darah daripada ibu bapa dan waris keluarga dengan jenazah sebelum identitinya boleh disahkan.

Menurutnya, keadaan jenazah membuatnya agak sukar untuk dikenal pasti dan proses pensampelan DNA mesti dilakukan.

Katanya, ia dijangka mengambil masa sekurang-kurangnya dua hari untuk disiapkan.

"Unit Pengecaman Mangsa Bencana (DVI) kini

mengambil sampel daripada ibu bapa sebelum diperiksa, kemudian dipadankan dengan mayat untuk identifikasi.

"Kami kini menggunakan seluruh kepakaran kami dan harap-harap perkara ini dapat diselesaikan secepat mungkin," katanya pada sidang media khas yang diadakan di Lobi Hospital Kuala Lumpur (HKL), semalam.

Subramaniam berkata, tragedi itu mengorbankan 21 pelajar tahfiz berumur lingkungan 11 hingga 17 tahun dan dua guru yang juga warden di pusat berkenaan.

Empat belas pelajar berjaya menyelamatkan diri.

Kesemua jenazah telah dibawa keluar dari lokasi kejadian di Jalan Keramat Ujung dan kini ditempatkan di Institut Perubatan Forensik Negara HKL untuk bedahsiasat dan pengecaman.

Selain itu, tujuh mangsa yang cedera kini ditempatkan di Wad Kecemasan dan Perhatian untuk rawatan lanjut dan mereka merangkumi enam pelajar pusat tahfiz dan seorang awam yang membantu mangsa ketika kejadian itu.

Empat daripada mereka cedera parah dan tiga cedera ringan.

Beliau berkata, ada yang cedera parah dengan mengalami beberapa kecederaan termasuk patah tulang, retak femur dan pelvis, cedera di paru-paru dan hati.

"Kami sedang menguruskan keadaan ini. Sebahagian daripada mereka dimasukkan ke ICU (Unit Rawatan Rapi), sebahagian lagi di dalam unit kebakaran.

"Kami melakukan yang terbaik untuk menyelamatkan

Subramaniam ketika sidang media di HKL, semalam. Turut hadir, Pengarah HKL, Datuk Dr Zaininah Mohd Zain (dir) dan Ketua Jabatan Kecemasan dan Trauma HKL, Prof Datuk Seri Dr Abu Hassan Ashaari Abdullah (tiga, kanan).



kan mereka," katanya.

Menurutnya, pihaknya akan memberi khidmat kaunseling kepada waris dan ke-

uarga mangsa berkenaan.

"Kami akan beri bimbingan psikologi agar mereka dapat lalui tragedi ini dengan se-

baiknya, saya berdoa semoga mereka diberi kekuatan untuk melalui masa susah ini," katanya.